



## ინგლისური ფილოლოგია

მისანიჭებელი კვალიფიკაცია: ჰუმანიტარულ მეცნიერებათა ბაკალავრი ინგლისური ფილოლოგიის სპეციალობით

კრედიტების რაოდენობა: 240 ECTS კრედიტი

პროგრამის ხელმძღვანელი: ოთარ მათეშვილი

საკონტაქტო ნომერი: 599 93 93 33

ინგლისური ფილოლოგიის საბაკალავრო პროგრამა კარგ შესაძლებლობას სთავაზობს აბიტურტიენტებს, მაღალ დონეზე შეისწავლონ ორი უცხო ენა. პროგრამის ფარგლებში სტუდენტები ინგლისურ ენას დაეუფლებიან არანაკლებ C1 დონეზე, ხოლო მეორე უცხო ენას (გერმანული, ფრანგული, ესპანური, იტალიური ან რუსული - ჯგუფის გადაწყვეტილებით) - არანაკლებ B1 დონეზე.

საგანმანათლებლო პროგრამის ხანგრძლივობაა 4 წელი. აკადემიური ხარისხის მისაღებად ბაკალავრიატის სტუდენტმა უნდა დააგროვოს 240 ECTS კრედიტი. მათ შორის: 6 კრედიტის მოცულობის საუნივერსიტეტო სავალდებულო საგნები - აკადემიური წერა, თანამედროვე საოფისე ტექნოლოგიები;

- 156 კრედიტის მოცულობის სპეციალობის სავალდებულო საგნები, რომლებიც უზრუნველყოფენ ინგლისური ფილოლოგიის დარგში ფართო და კომპლექსური ცოდნით აღჭურვილი სპეციალისტის მომზადებას და საბაკალავრო ნაშრომი;

- 18 კრედიტის ფარგლებში სპეციალობის არჩევითი სასწავლო კურსები;

საუნივერსიტეტო სასწავლო კურსების კრედიტების (6), სპეციალობის სავალდებულო სასწავლო კურსების კრედიტების (156) და სპეციალობის არჩევითი კურსების კრედიტების (18) ჯამი შეადგენს 180 კრედიტს; სტუდენტს შესაძლებლობა აქვს, 240 კრედიტიდან 60 კრედიტი დამატებით გამოიყენოს თავისუფალი სასწავლო არჩევითი კურსებისათვის, ან პროგრამით შეთავაზებული მთარგმნელობითი მოდულისთვის.

პროგრამის განსაკუთრებით ძლიერი მხარეა მისი არჩევითი - თარგმანმცოდნეობის მოდული, რომელიც ფართო პროფილის მთარგმნელ-თარჯიმნებს ამზადებს. სხვადასხვა დარგის ტექსტების თარგმნასთან ერთად, პროგრამაში გათვალისწინებულია ზეპირი თარგმანის (თანმიმდევრულის და სინქრონულის) კომპონენტიც.

პროგრამის განხორციელებისათვის უნივერსიტეტს ჰყავს მაღალკვალიფიციური პერსონალი და აქვს სინქრონული თარგმნისათვის განკუთვნილი სპეციალური აპარატურა, რაც კარგი შედეგების მიღწევის საშუალებას იძლევა.

ბაკალავრიატის პროგრამის კურსდამთავრებული შეძლებს სწავლა გააგრძელოს შესაბამისი მიმართულების (ინგლისური ფილოლოგია, ლიტერატურა, თარგმანმცოდნეობა) სამაგისტრო პროგრამებით.

კურსდამთავრებულს შეეძლება მუშაობა ყველა იმ დაწესებულებაში, სადაც მოითხოვება ფილოლოგიის დარგის ცოდნა; კერძოდ, ისეთ სფეროებში, როგორებიცაა: ბიბლიოთეკა, მუზეუმი, გამომცემლობა, პერიოდული პრესის რედაქცია, ტურიზმი, მასმედია. ასევე, დამხმარე პერსონალის ფუნქციით: უნივერსიტეტში, სამეცნიერო-კვლევით ცენტრში; „მასწავლებლის მომზადების პროგრამის“ გავლის შემთხვევაში კი შეეძლება იმუშაოს სკოლის პედაგოგადაც; უნივერსიტეტში არსებულ მთარგმნელ-თარჯიმანთა უმაღლეს სკოლაში კურსის გავლის შემდეგ იმუშაოს მთარგმნელ/თარჯიმნად.

### 1. მიზანი:

საბაკალავრო პროგრამის მიზანია, სტუდენტს მისცეს ფართო და კომპლექსური ცოდნა ინგლისური ფილოლოგიის მიმართულებით, გამოუმუშავოს მას ფილოლოგიური კვლევა-ძიებისათვის აუცილებელი უნარ-ჩვევები. პროგრამა ორიენტირებულია ისეთი ბაკალავრის მომზადებაზე, რომელსაც:

- ექნება აკადემიური ცოდნა ინგლისური სამწიგნობრო ენის, ინგლისურენოვანი სამყაროს ისტორიისა და ლიტერატურის ისტორიის შესახებ;
  - გაცნობიერებული ექნება ლიტერატურათმცოდნეობითი და ენათმეცნიერული კვლევის სპეციფიკა;
  - შეეძლება მხატვრული ნაწარმოების კრიტიკული ანალიზი, ინტერპრეტირება და კომენტირება, მისი განხილვა ისტორიულ-კულტურულ კონტექსტში;
  - ექნება ფილოლოგიის სფეროში აუცილებელი მასალების, ლიტერატურის მოძიებისა და სისტემატიზების უნარ-ჩვევები;
  - შეეძლება გრამატიკული ნორმებისა და სტილის დაცვით წერითი და ზეპირი მეტყველება; ასევე, ინგლისურ ენაზე (C1 დონეზე) კომუნიკაცია; მის კონკურენტუნარიანობას აამაღლებს სავალდებულო მეორე უცხო ენის (არჩევითი - რუსული, გერმანული, ფრანგული, იტალიური, ესპანური) B1 დონეზე ცოდნა;
  - გაცნობიერებული ექნება ზნეობრივ ღირებულებათა სისტემა, მონაწილეობას მიიღებს ღირებულებების ფორმების პროცესში და ისწრაფვის მათ დასამკვიდრებლად.
- პროგრამის მიზანია, სტუდენტს მისცეს ფართო ცოდნა და გამოუმუშავოს ისეთი პრაქტიკული უნარ-ჩვევები, რომ ის იყოს კონკურენტუნარიანი შრომის ბაზარზე.

## 2. სწავლის შედეგები

პროგრამის დასრულების შემდეგ კურსდამთავრებულს შეუძლია:

1. ინგლისური სამწიგნობრო ენის და მისი ქვესისტემების - ფონემატური, მორფოლოგიური, სინტაქსური და სემანტიკური სტრუქტურების კრიტიკულად გაანალიზება;
2. ინგლისური ფილოლოგიისა და ზოგადი ენათმეცნიერების საკითხების შესახებ ლოგიკური მსჯელობა;
3. ინგლისისა და ამერიკის შეერთებული შტატების ლიტერატურულ, ჟანრობრივ და მხატვრულ თავისებურებებზე, მათთან დაკავშირებულ პრობლემებზე მსჯელობა;
4. ფილოლოგიური ტერმინოლოგიის ადეკვატურად გამოყენების გზით ლიტერატურული და ლინგვისტური მოვლენების აღწერა, განხილვა, კომენტირება და შეფასება;
5. თანამედროვე საკომუნიკაციო საშუალებების გამოყენებით ინფორმაციის წარდგენა და სხვებისთვის გაზიარება, შესაბამისი ლექსიკითა და სტილით მეტყველება;
6. ლიტერატურული და ლინგვისტური წყაროების, მასალების მოძიება, დამუშავება;
7. თემატურ დისკუსიებში მონაწილეობა, ოპონირება განსხვავებული თვალსაზრისის პატივისცემის პრინციპითა დაცვით;
8. ინგლისურ ენაზე ზეპირი და წერილობითი კომუნიკაცია (C1 დონეზე);
9. ერთ-ერთ მეორე უცხო ენაზე (რუსული, გერმანული, ფრანგული, იტალიური, ესპანური) B1 დონეზე კომუნიკაცია;
10. გაცნობიერებული აქვს ზოგადსაკაცობრიო და ესთეტიკური ღირებულებების სისტემა და ისწრაფვის მათ დასამკვიდრებლად.

## 3. შეფასების სისტემა

სტუდენტი პროგრამის თითოეულ კომპონენტში ფასდება 100 ქულიანი სისტემით, რომელიც მოიცავს შუალედურ შეფასებას და დასკვნით შეფასებას. ყოველი სასწავლო კურსის ფარგლებში სტუდენტი ასრულებს სილაბუსით გათვალისწინებულ დავალებებს, ამზადებს პრეზენტაციას, მონაწილეობს დისკუსიებში და ერთვება ყველა სხვა აქტივობაში, რაც აუცილებელია სასწავლო კურსის მიზნების მისაღწევად.

100 ქულის განაწილება იხილეთ ქვემოთ მოცემულ ცხრილზე. ამასთან, გამოკითხვის სახე, სტუდენტის მიერ მოსამზადებელი პრეზენტაციის და სხვა საკითხების შესახებ ინფორმაცია დეტალურად არის მოცემული სასწავლო კურსების სილაბუსებში.

100 ქულა					
შუალედური შეფასება - 60 ქულა			დასკვნითი შეფასება - 40 ქულა		
შეფასების კომპონენტები	ქულა	მინიმალური კომპეტენციის ზღვარი	შეფასების კომპონენტი	ქულა	მინიმალური კომპეტენციის ზღვარი
ყოველკვირეული/სასემინარო შეფასებები	20	8	დასკვნითი წერიტი გამოცდა	40	21
პრეზენტაცია	10	4			
შუალედური გამოცდა	30	8			

ყოველ სასწავლო კურსში დასკვნითი გამოცდის ჩაბარება სავალდებულოა. დასკვნით გამოცდაზე გასვლის უფლება ეძლევა სტუდენტს, რომელსაც შუალედური შეფასების სახით მოპოვებული აქვს არანაკლებ 20 ქულა.

საბაკალავრო ნაშრომის შეფასება ხორციელდება საბაკალავრო ნაშრომის შესრულების, დაცვისა და შეფასების ინსტრუქციის შესაბამისად.

შეფასების სისტემა, პროგრამის ყოველი კომპონენტისათვის ითვალისწინებს ხუთი სახის დადებით შეფასებას:

- (A) ფრიადი – 91-100 ქულა;
- (B) ძალიან კარგი – 81-90 ქულა;
- (C) კარგი – 71-80 ქულა;
- (D) დამაკმაყოფილებელი – 61-70 ქულა;
- (E) საკმარისი – 51-60 ქულა.

შეფასების სისტემა, ასევე, ითვალისწინებს ორი სახის უარყოფით შეფასებას:

- (FX) ვერ ჩააბარა – 41-50 ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება; დამატებითი გამოცდა ტარდება დასკვნითი შეფასების გამოცხადებიდან არანაკლებ 5 დღის შემდეგ.
- (F) ჩაიჭრა – 40 ქულა და ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და მას საგანი ახლიდან აქვს შესასწავლი.

სტუდენტის მიერ დამატებით გამოცდაზე მიღებულ შეფასებას არ ემატება დასკვნით შეფასებაში მიღებულ ქულათა რაოდენობა. დამატებით გამოცდაზე მიღებული შეფასება არის დასკვნითი შეფასება და აისახება სასწავლო კურსის საბოლოო შეფასებაში.

დამატებით გამოცდაზე მიღებული შეფასების გათვალისწინებით საბოლოო შეფასებაში 0-50 ქულის მიღების შემთხვევაში, სტუდენტს უფორმდება შეფასება F - 0 ქულა.

**4. საგანმანათლებლო პროგრამაზე დაშვების წინაპირობა**

**ერთიანი ეროვნული გამოცდები.** საგანმანათლებლო პროგრამით სწავლის უფლება აქვთ სრული ზოგადი განათლების მქონე პირებს. პროგრამაზე ჩარიცხვა ხორციელდება ერთიანი ეროვნული გამოცდების შედეგად კოეფიციენტების რანჟირების საფუძველზე, კანონმდებლობით დადგენილი წესით (ერთიანი ეროვნულ გამოცდებზე არჩევითი საგნები: ლიტერატურა და ისტორია).

**ერთიანი ეროვნული გამოცდების გარეშე ჩარიცხვის წესი.** საგანმანათლებლო პროგრამაზე ერთიანი ეროვნული გამოცდის გავლის გარეშე ჩარიცხვა შესაძლებელია საქართველოს განათლებისა და მეცნიერების მინისტრის 2011 წლის 29 დეკემბრის №224/ნ ბრძანებით დამტკიცებული „უმალეს საგანმანათლებლო დაწესებულებაში ერთიანი ეროვნული გამოცდების/საერთო სამაგისტრო გამოცდების გავლის გარეშე სწავლის უფლების მქონე აბიტურიენტების/მაგისტრანტობის კანდიდატების/სტუდენტების მიერ დოკუმენტების წარდგენისა და განხილვის წესის“ შესაბამისად.

**მობილობა.** საგანმანათლებლო პროგრამაზე ჩარიცხვა, ასევე, შესაძლებელია მობილობის წესით საქართველოს განათლებისა და მეცნიერების მინისტრის 2010 წლის 2 თებერვლის ბრძანება №10/ნ-ით დამტკიცებული „უმალესი საგანმანათლებლო დაწესებულებიდან სხვა უმალეს საგანმანათლებლო დაწესებულებაში გადასვლის წესის“ შესაბამისად.

**შიდა მობილობა.** საგანმანათლებლო პროგრამაზე ასევე დაიშვებიან მსურველები შიდა მობილობის წესით. შიდა მობილობა ცხადდება წელიწადში ორჯერ, კონკრეტული ვადები და პროცედურები განისაზღვრება უნივერსიტეტის რექტორის ბრძანებით და ინფორმაცია რეგულარულად თავსდება უნივერსიტეტის ვებგვერდზე [www.sangu.edu.ge](http://www.sangu.edu.ge).

## 5. საგანმანათლებლო პროგრამაში გამოყენებული სწავლა-სწავლების მეთოდები

სწავლების შედეგების მისაღწევად გამოყენებული მეთოდები და აქტივობები შეესაბამება კონკრეტული სასწავლო კურსის შინაარსსა და სწავლის შედეგებს. სასწავლო კურსის განმახორციელებელი, აკადემიური თავისუფლების ფარგლებში, თავად განსაზღვრავს შესაბამისი სასწავლო კურსის შედეგების მიღწევისთვის აუცილებელ მეთოდებს და აქტივობებს.